

金  
石  
萃  
編

金石萃編卷四十一

賜進士出身 誥授光祿大夫刑部右侍郎加七級王昶撰

唐一

秦王告少林寺主教

碑上橫列十一字曰已上七字開元神武皇帝書文  
卽刻碑上層二十九行行八字正書隸額在少林寺

秦王告少林寺主教

太尉尚書令陝東道益州道行臺雍州牧左右武侯大將軍使持節涼州總管上柱國秦王世民告柏谷塢少林寺上座寺主以下徒衆及軍民首領士庶等比者天下粵亂方方之主世界傾淪三乘道絕遂使閭浮蕩覆

戎馬載馳神州糜沸羣魔競起我國家膺圖受籙護持  
正諦馭鳥飛輪光臨大寶故能德通黎首化闡縉林旣  
沐來蘇之恩俱承彼岸之惠王世充叨竊非據敢逆天  
常窺覲法境肆行悖業今仁風遠扇慧炬照臨開八正  
之塗復九寓之跡法師等並能深悟機變早識妙曰克  
建嘉猷同歸福地擒彼兇孽廓茲淨土奉順輪忠之効  
方著闕廷證果脩真之道更宏傑觀間以欣尚不可思  
議供養優賞理殊恒數今東都危急旦夕殲除並宜勉  
終茂功以垂令範各安舊業永保休祐故遣上柱國德  
廣郡開國公安遠往彼指宣所懷可令一二首領立功

者來此相見不復多悉

四月卅日

嘗讀唐高祖起居注一卷乃其興亡之初立國規模  
犁然具在三代久遠其圖王肇基不過如此英雄心  
事千古依依令人生嘆今觀秦王論少林檄何其克  
肖也撫順獎忠開誠布惠使聽者神馳歸者志壹載  
在尚書謨訓誥誓何以加焉唐之統一奮夏非偶然  
也此雖軍中人士所書而世民二字乃秦王所押不  
待御極以後搜致諸名書而雄規固不同矣惜明皇  
七字存無幾耳 嘗讀初唐起居注不但兵以扶立

爲名其義甚正卽其用師附眾凡所以崇有德尊高  
年弛苑圃放官人去虐政散積滯無不可以繫歸向  
之心興侯后之望三代之王也其施設亦不過如此  
宜其一朝而定大業也今觀太宗論少林僧衆檄謙  
冲和易宛然父子之親朋友之信親書其名全無少  
年英銳之色則其一舉而擒二天子豈恃天幸而已  
哉後人高三王而卑漢唐言之可聽欲收人心于未  
帖而挽民志于已離當如搏沙弄水必不得之數矣

墨林  
快事

唐文皇告少林書書法不甚工而亦不俗當是幕僚

筆內世民二字行草是親押耳首有開元神武皇帝

書後人所妄加也碑額未知亡于何時

舟州山人彙

此書卽刻于裴淮所書少林寺碑上方當是勒寺碑時摹前文皇書置碑首耳謂止廟諱二字是親押良是今京署移文惟名係官自僉然則爾時已如此上橫過又書云已上七字開元神武皇帝書細玩似是

指上隸額

書畫跋

碑今在寺中按舊唐書太宗紀高祖受禪拜尚書令右武侯大將軍進封秦王加授雍州牧武德元年冬拜太尉陝東道行臺尚書令尋加左武侯大將軍涼

州總管三年加拜益州道行臺尚書令七月總率諸  
軍攻王世充於洛邑則此乃四年之四月卅日也其  
五月丙寅則世充降而河南平矣世民二字草書特  
大乃太宗親書 又按金石錄載唐太宗賜少林寺  
教書八分書武德二年與此不同或別是一教  
金石文字

記

按武德二年太宗賜少林寺教八分書金石錄疑後

人重書

中州金石攷

今少林寺僧以棒法擅天下在隋之世已能助秦王  
抗王世充其來舊矣闔獻之亂獨不敢侵犯少林而

僧衆專以掠諸賊爲事僧法往往有列大帥建牙者

來齋金石  
刻考略

碑立少林寺東廊鐘樓前乃太宗爲秦王時圍洛城  
以少林寺僧建功遣使致書獎諭之教凡二百四十  
四字碑額隸書曰太宗文皇帝御書已上七字開元  
神武皇帝書乃知教爲太宗親筆額爲元宗親筆二  
帝之字俱適逸有法可寶也裴淮記稱御書碑額七  
字蓋指明皇書橫刻開元等字後人標識之詞王司  
寇以爲妄加失在未見碑額耳碑內王字鑿沒不知  
何時何人所爲鑿之何意也

說  
嵩



按金石錄以賜少林寺教爲八分書者指碑額而言武德二年當爲四年字偶誤耳顧亭林疑別是一教實不然碑額太宗文皇帝御書七字乃明皇所題後人又題開元神武皇帝書蓋指碑額七字非謂告少林寺教書也今碑額旣亡則開元皇帝書數字遂不可解故弇州以爲妄加

河南府志

右秦王告少林寺教云上柱國德廣郡開國公安遠者李安遠也新舊書本傳俱作廣德郡公誤少林寺僧以柏谷塢歸唐安遠奉秦王教往宣諭蓋在征王世充時裴灌碑稱寺西北五十里有柏谷墅居晉成

塢在齊爲郡王世充僭號署曰輔州乘其險地以立  
峯戊太宗文皇帝軍次廣武僧志操惠瑒曇宗等審  
靈瞻之所往辨謳歌之有屬率衆以拒僞師抗表以  
明大順執充姪仁則以歸本朝太宗嘉其義烈頻降  
璽書宣慰既奉優教兼承寵錫賜地四十頃水碾一  
具裴所稱優教者卽指此刻其述寺僧翻城顛末亦  
可裨史家之闕

潛研堂金石文徵尾

按新唐書高祖紀云武德四年五月秦王世民敗  
竇建德于虎牢執之又云戊辰王世充降而此教  
後書四月三十日則在建德將來東都未破之前

爾時寺僧已能去逆效順洵可嘉也考開元十一年寺牒石刻云四月二十七翻城歸國其月三十日卽蒙勅書慰勞此勅所云供養優賞理殊恒數者是也牒又稱武德八年別勅賜地四十頃水碾磴一具其翻城僧則曇宗志操惠陽等其委悉者則僞轅州司馬趙孝宰僞羅川縣令劉翁重及李昌運王少逸等當時俱授官職曇宗授大將軍合寺爲從僧等不願官爵惟求出家其孝宰授上開府昌運授儀同蓋孝宰翁重之降寔寺衆挾以成之但開府儀同是階非官當時必別有官職寺僧

不解故漏于開寫而此兩人無所表見于後或亦  
不受爵祿耶新舊兩書不載非碑其孰知之 又  
按太平寰宇記少林寺後魏太和十九年立西城  
沙門號跋陀有道業深爲高祖所敬信制於少室  
山立少林寺以居之公給衣食又云柏谷塢戴延  
之西征記云塢在川南因原爲塢高數丈塢西有  
二寺亦在原上入谷數百步又有二佛精巧美麗  
有牛春馬簸水碓之利是少林與柏谷塢之二寺  
自屬兩地此碑云告柏谷塢少林寺卽西征記所  
云塢中之二寺矣記已云寺有牛春馬簸水碓之

利而少林寺牒則云武德八年賜水碾磑一具殆  
西征記所云者是舊蹟寺牒所載者是唐時新賜  
也額舊有太宗文皇帝御書七字已亾開元神武  
皇帝是元宗開元元年十一月所上尊號其題此  
十一字不知何年且太宗墨跡在寺中因何又經  
元宗御書題額反覆思之是此碑卽開元十一年  
賜寺牒時寺僧所立也今以太宗告教實在武德  
四年因冠唐碑之首寺建于後魏太和十九年迨  
孝昌二年爲梁普通七年達摩自金陵來居之號  
爲初祖又籌海圖編載明嘉靖年間倭寇江浙兵

備道任環召少林寺僧擊賊朱髮脫面倭人望而  
敗走蓋其藝勇久著不獨闖獻二賊畏之來齋猶  
未得其詳也碑書化闡緇林緇當是緇字奉順輪  
忠之効輸忠當是輸忠

新建觀音寺碣

石橫廣二尺五寸高二尺三寸十二行行十四字正書

王世充竇建德爲讐大邦我 秦王赫然斯怒罪人

乃得班師凱還駐禪廣武值夜雨作而東南雲際光焰  
射天燭見觀音菩薩全身畢露 王頓首拜瞻喜謂羣  
臣曰乃者武事告成天授神佑朕功溥哉遂 勅建

茲寺因名焉王詔乃樹碣以紀其歲月云

兩岿

大唐武德五年國學助教陸德明撰

按秦王平王世充實建德乃武德四年五月事唐書高祖紀五月壬戌秦王世民敗竇建德于虎牢執之戊辰王世充降太宗紀云三年七月討王世充敗之于北邙四年二月竇建德率兵十萬以援世充太宗敗建德于虎牢執之世充乃降六月凱旋碑云班師凱還駐蹕廣武值夜兩作云云當是五月戊辰以後凱還歸途所經之事也廣武城在滎陽漢書高祖紀漢王引兵渡河復取成皋軍虜

武就敖倉食此云駐釋廣武卽其地矣唐書陸元  
朗傳元朗字德明以字行蘇州吳人隋大業間遷  
國子助教越王侗署爲司業世充平秦王辟爲文  
學館學士此碑陸德明書銜曰國學助教以司業  
非朝廷所授而學士之碑當在後此時世充初平  
尚未受此職故仍用大業時故官也凱旋在四年  
而撰文在五年當由建寺工畢而後立此碑

宗聖觀記

碑高一丈二尺五分廣三尺七寸二十三行行六十  
字篆書額題大唐宗聖觀記六字正書在蓋屋簷南

大唐宗聖觀記



給事中騎都尉歐陽詢撰序并書

侍中柱國江國公陳叔達撰銘

夫至理虛宗道非常道妙門凝邈無名可名爰自太始  
開圖混元立極三才莫處萬品流形莫知象帝之家未  
賸谷神之域希夷瑣闕溟滓封奇及夫烏迹敦典隱書  
詮奧至化因茲而吹萬靈教由是以開光聖聖襲明道  
德授受于是魯口之教風動天下大行地中矣宗聖觀  
者本名樓觀周康王大夫文始先生尹君之故宅也以  
結草爲樓曰卽爲號先生稟自然之德應靈運而生體  
性抱神口光隱曜觀星候氣物色真人會遇仙輅北面

請道二經既演八表向化大教之興蓋起於此矣茲觀  
中分秦甸面距終南東眺驪峰接晴嵐之涘涘西顧大  
白梁積雪之皚皚授經之古殿密清絡牛之靈木特立  
帟朝婁易僊迹長存物老地靈每彰休應卿雲日覆壽  
鶴時來樹無巢宿之禽野有護持之獸文始藥井韓口  
未墮老君輦車確然不朽至於穿窬盜竊進退自拘侶  
有繫維悉皆面縛昔周穆西巡秦文東獵竝枉駕回轅  
親承教道始皇建廟於樓南漢武立宮於觀北崇臺虛  
朗招徠雲水之僊闕館錯落賓友松喬之侶秦漢廟戶  
相繼不絕晉宋謁版于今尚存實神明之奧區列真之

會府後魏文帝變夷風於華俗立仁口之紀綱崇信教  
門增置徒侶有陳先生寶織潁川人夙有幽逸之姿幼  
懷林壑之趣松風入賞名岳雷連玉皇之道既鑿銀榜  
之官雲構續有王先生延言窮名象思洞隱微念在塵  
空累非外物含神自靜儀聖作師並德音孔昭鬱爲宗  
範周太祖定業關內躬受五符隋文皇沐芳禮謁獲聞  
休證迨隋德將季政教陵遲六飛失馭四維圯絕夷萃  
在牧飛蜚滿野家習兵兇民墜塗炭

皇帝命世

應期榮鏡區宇戡難靜亂享壽無垠廣大配乎天地光  
華方諸日月數階庭之寶英聆鳳和鳴照景星於應雲

觀麟郊鼓緝禮裁樂化俗移風農夫勸於時雨隴餘滯  
穗工女勤於蠶績杼軸不空九服韜戈三邊靜柝西戎  
草面東夷獻舞朔南洎聲教溥北盡來王德化遐漸無  
幽不暢二善克楸非假二疏一有元良萬邦貞固獎均  
天縱道拜生知篤尚靈根欽茲聖躅以武德三季

詔錫嘉名改樓觀爲宗聖觀

宸辰興念纂胃所

先啓族承家阜於柱史得一以靈蹈五稱聖弱爲道用  
柔爲至堅損之又損日至於口瓜舐綿長慶源悠寢口  
初啓祚致醮靈壇自然香氣若霧霏空五色雲浮如張  
羽蓋七季歲惟作盂月在黃鍾六轡齊驥百辟咸從

親幸觀所謁琴尊儀軒后之詣空峒神農之上石  
室順法行禮異代同規觀主岐平定精金格之書究玉  
笈之文知來藏往盡化窮神豫鑿天休贊靈景福法師  
呂道濟監齋趙道隆玉器凝潤鶴情超遼辨斥連環辭  
同炙輠對敷 天旨妙沃 帝心乃謂片言小譖

尚題紺碣矧夫

皇輿迂駕挹酌希微大道資始鑪

錘萬物不有刊勒其可已乎侍中江國公陳封達朝宗  
羽儀詞才冠秀奮茲洪筆爲製嘉銘其辭曰

眇矣靈化靈哉妙門飛形九府練氣三元黃庭秘錄金  
格微言玉京畱記金竈還魂揚塵東海問道西崑物色

函關抒容清廟建標伊始層壇雲峭綺井虹伸風懸靈  
笑響都心律帝臺僊召挹髓捫壘煖霞引照豁□□象  
無名至要高廂久縣清泉餘療宅心勝侶遊息眾妙絕  
璧□微深流丹竅鞠草如結周原是突聖道將鑿重光  
顯曜

明明我后積德累□陶埏寓縣叱咤雷  
風庸稽太室禮盛鄧官時乘正位道配靈穹四維載仰  
百世斯隆有截于外無思自東祥符挾遠瑞采澄空百  
神咸秩千齡是崇□靈壯觀詔蹕康莊雲行輦道吹發  
山梁飛文叶玉接禮神□五旌□□六轡齊驥

宸儀展敬享福無疆巍然高碣播此遺芳

武德九年二月十五日建

碑側題名

刻廣一尺四分作三截書上白舜口五行下張秀華六行皆正書右行中吳芝壽四行行書左行

盟津白舜口白玉清醮罷由此窮南山之賸而西還  
鳳鳴時熙寧乙卯臘月中澣口口題琳禦珪珣從行  
行部燕山張秀華德秀拉鄉舊張用古守道暨邑令  
大獻元伯河陽李紹庭彥直終南于拊子賢全來興  
定五年中秋日題

漢澤吳芝壽夫邵陽李紹庭彥直晉安李英子才正  
大閏八月中旬同來前令石抹紹先預游

此碑建于武德九年二月給事中騎都尉歐陽詢撰  
序侍中江國公陳叔達撰銘觀以祀文始真人尹喜  
者神堯嘗幸其地用幣焉故其徒相與侈大之其文  
辭稍雅淨而隸古亦道婉可愛疑卽詢筆也攷本傳  
詢官位正合叔達以黃門侍郎判納言事而此云侍  
中蓋武德三年改納言仍爲侍中耳宰相表則叔達  
以二年正兼納言九年十月坐事罷而傳遺之當以

此碑爲定

兗州山人續稿

隸甚淳雅鑄古趣猶是漢法第恨無受禪折刀頭勁  
力耳後有二行小字跋謂中統時親此觀嫌其字畫



福淺命工鍤剔此乃所謂洗碑法筆法經此十無一  
二存者矣可恨可惜其風格不峭峻者以是耳今存  
者字畫尚細料原本必更細蓋亦是石鼓勒法中統  
者元世祖初嗣位未混一時年號也

書畫  
成跋

此與前爲一碑而刻其陽陰爲唐刻此則爲元翻刻  
按碑建於武德九年爲神堯祀尹喜作也分隸書無  
書者姓氏書法故自佳經翻刻失其筆意耳

石墨  
精華

宗聖觀唐奉老子爲遠祖故神其說謂尹文掄遊太  
白山觀異象立壇而祀之老子降于壇間不經是甚  
華陽錄記云秦始皇好神仙於尹先生樓南立老子

稱此祀老子之始晉元康中重更修葺時木萬株連  
亘七里給戶三百供洒掃按尹先生相傳爲老子之  
師著尹真人經者有紫雪樓在蓋屋縣東三十里尹  
先生結草爲樓望紫氣西邁處今名樓觀是也晉惠  
帝時重修唐高祖武德改爲宗聖觀蘇東坡通判鳳  
翔來遊詩古觀正依林麓斷居民來說水泉甘亂溪  
赴涓爭趨北飛鳥迎山不復南羽客衣冠朝上象野  
人香火祝春蠶女師豈解言符命山鬼如何說老聃  
刻於碑側子由亦有和詩

來齋金石  
刻考畧

史記周本紀蜚鴻滿野註鴻蠖蠓也此碑作蜚蒼繭

雅菴卽蟋蟀音讀如蛩非螻蛄類或亦以音近借用

并金石  
存

今在蓋屋縣樓觀大殿前碑首正書大唐宗聖觀記  
六大字題曰大唐宗聖觀記給事中騎都尉歐陽詢  
撰序并口侍中江國公陳叔達換銘其并字之下字  
雖殘缺左方尚有筆畫可認當是書字信本楷書名  
高千古其分書如房彥謙碑亦多傳於世今玩碑字  
時作篆體乃唐隸之佳者微露筆意似信本楷書而  
顧林亭金石文字記僅載歐陽詢撰序趙子固石墨  
鐫華直云無書者姓氏豈二君於并字均未之見耶

且歐已撰序陳已撰銘碑首又正書試思歐之并爲  
何事也按鄭漁仲金石略歐陽詢書有宗聖觀碑分  
書此真信而可徵者又碑末小字題云中統元默闡  
茂之歲命工搜別是元時以舊碑開鑄故其規模無  
恙趙子固以爲經翻刻失其筆意誤矣備記之以俟

博雅君子

雍州金  
石記

按碑云給事中騎都尉歐陽詢撰序并書侍中柱  
國江國公陳叔達撰銘新唐書歐陽詢傳詢仕隋  
爲太常博士高祖卽位累擢給事中不言騎都尉  
又陳叔達傳叔達爲陳宣帝子高祖武德初授黃

門侍郎判納言封江國公不言侍中者納言卽侍中而騎都尉則傳所略也太平寰宇記云樓觀在盤匡縣東三十二里晉惠帝時置其地舊有尹先生樓因名樓觀唐武德初改名宗聖觀碑但云晉宋謁版于今尚存而於惠帝之始置畧焉碑云武德七年歲惟作噩月在黃鍾六轡齊驥百辟咸從親幸觀所謁拜尊儀爾雅太歲在酉曰作噩史記曰作鄂武德七年爲甲申歲從爾雅則曰沿灘從史記則曰赤奮若不知碑何以云歲惟作噩也黃鍾爲十一月律唐書高祖紀七年十月丙子謁樓

觀老子祠是高祖之謁樓觀寔是七年非八年乙酉且是十月非十一月碑與史互有異同者如此是時已改崇聖觀額紀猶稱樓故至今土人有樓觀之稱也碑云觀主岐平定正字通云岐姓黃帝臣岐伯唐有岐靈岳而史傳無攷一碑而序銘兩人分撰邠見此碑碑書市朝婁易婁與屢同煩數也漢書公孫宏傳上方興功業婁舉賢良是也銘云綺井虹伸風牕電笑神異經云東荒山中有大石室東王公居焉與玉女投壺設有入不出者天爲之笑開口流光金電是也電笑蓋用此事史記

周本紀云麋鹿在牧蜚鴻滿野此碑云夷羊在牧  
飛蜚滿野句法相類而用字不同蜚與蛭同與鴻  
字音義形體迥別金石存謂以音近借用理或有  
之然細思之上句夷羊已不用麋鹿則此句飛蜚  
似非仍襲用蜚鴻者頗疑蜚是蠱名有負蠱之稱  
爾雅郭注蠱螽名蠱陸疏今人謂螽子爲螽子碑  
蓋謂蜚蠱滿野猶言飛蝗滿野也飛與蜚通蜚或  
本是蠱字此碑經元人翻刻誤作蜚字未可知也  
姑備一說以俟攷

孔子廟堂碑

碑高七尺七寸廣四尺二寸三十五  
行行六十四字正書在西安府學

孔子廟堂之碑

太子中舍人行著作郎臣虞世南奉

勅撰并

書

司徒并州牧太子左千口率兼檢校安北大都護相

王見 書碑額

後臣屬書

東觀預聞前史若乃知幾其神惟睿作聖元

妙之境希夷不測然則三五迭興典墳斯著神口聖跡  
可得言焉自肇立書契初分爻象委裘垂拱之風革夏  
窮口口口口口質文殊致進讓罕同靡不拜洛觀河膺



符受命名居域中之大手握天下之圖象雷電□□威  
刑法陽春而流惠澤然後化漸八方令行四海未有偃  
息鄉□□□□□預帝王之錄遠跡胥史之儔而德  
侔覆載明兼日月道藝微而復顯禮樂施而更張窮理  
盡性光前絕後垂範百王遺風於萬代猗歟偉歟若斯  
之盛者也夫子磨□□□之精燻千年之聖固天縱以  
挺質稟生德而降靈載誕空來自標河海之狀纔勝達  
掖克秀堯禹之姿知微知章可久可大爲而不宰合天  
道於無言感而遂通顯至仁於藏用祖述先聖憲章往  
拓夫其道也固以孕育陶均苞含造化豈直席卷八代

并

吞九丘而已哉雖亞聖鄰幾之智仰之而弥遠亡吳

霸越之辯談之而不及于時天口浸微地維將絕周室

大壞魯道日衰永歎時艱實思濡足遂廼降跡中都俯

臨司寇道超三代止乎季孟之間羞論五伯終從大夫

之後固知栖遑弗已志在於求仁危避從時義存於拯

溺方且重反淳風一匡末運是以載贊以適諸侯懷齊

而遊列國靡覽不極應物如響辯飛龜於石函驗集隼

於金檣觸舟既曉專車能對識罔象之在川明商羊之

興雨知來藏往一以貫之但不泰有期達人所以知命

卷舒

唯道明括所以周身觸里幽憂方顯姬文之德夏

臺鯨繼弗累商王之武陳蔡為幸斯之謂歟於是自衛

反魯刪書定樂贊易道以測精微修春秋以正褒貶故

能使紫微降光丹書表端濟濟焉洋洋焉充宇宙而洽

幽明動風雲而潤江海斯皆絕乎竹素懸諸日月既而

仁獸非時鳴鳥弗至括人云逝峻嶽已隕尚使泗水却

流波瀾不息魯臺餘響絲竹猶傳非夫體道窮神至靈

知化其孰能與於此乎自時厥後遺芳無絕法被區中

道濟天下及金冊斯誤玉弩載驚孔教已焚秦宗亦墜

漢之元始永言前烈褒成爰建用光祀典魏之黃初式

遵故訓宗聖疏爵允緝舊章金行水息亦存斯義而晦

明 一 屯亨通有筐筥蘋蘩與時升降靈宇虛廟隨道

廢興炎精失御蜂飛蝎起羽檄交馳經籍道息屋壁無

藏書之所階基絕函丈之容五禮六樂翦焉煨燼重宏

至教允屬 聖期 大唐運曆九五基超七百赫矣王

猷悉 共景命鴻名盛烈無得稱焉 皇帝欽明睿括祭

天兩地迺聖迺神允文允武經綸云始時惟訖戰爰整

戎衣用扶口口神謀不測妙筭無遺宏濟艱難平壹區

宇納 蒼生於仁壽致君道於堯舜職兼三相位摠六戎

尊珪乘石之尊朱戶渠門之錫禮優往代事踰恒典於

是在三瞻命口口口口克隆帝道平承鴻業明玉鏡以

式九圍席蘿圖而御六辯黃奉 upper 元肅恭清廟宵衣具  
食視膳之禮無方一日萬幾問安之誠弥萬孝治要道  
於斯爲大故能使地 平天成 風淳俗厚日月所照無思

不服懍口獠戎爲患自古周道再興僅得中等漢圖方

遠纔聞下冊徒勤六月之戰侵軼無懸空盡貳師之兵

憑凌滋甚 皇威所被 犁穎厥角 空山盡漠靖命闕庭

充仞藁 街 填委外殿開闢已來未之有也靈臺偃伯玉

關虛候江海無波爇燧息警非煙浮漢榮光莫河楛矢

東歸白環西入猶且兢懷 馭朽興瞻 納隍卑宮非食輕

僞薄賦 新期 反樸抵孽藏金草烏垂風綈衣表化應選

列辟旁求遂古古已思治曾何等級於是眇屬 聖藝

疑心大道以爲括羽成器必 在膠淮道德淵 身皆資學

校矧迺入 神妙 義析理微言厲以四科明其七教懿德

高風垂袞斯遠而棟宇弗侑宗祧莫嗣用紆聽覽爰發

絲綸武德九年十二月廿九日有 詔立隋故紹聖侯

孔嗣括子德 倫爲 褒聖侯乃命經營惟新舊趾萬雉斯

建百堵皆興揆日占星式規大壯鳳蕙寯其特起龍梅

儼以臨空霞入綺寮日暉丹檻窅窅崇遂 悠悠虛白 □

口寫狀妙絕人 功象 設已陳肅焉如在握文履度復見

儀形鳳跼踟躕猶臨咫尺喼尔微嘆若聽武城之絃怡

然動色似蒼蕭韶之響  
澹澹盛服既覩仲由侃侃禮容  
仍觀衛也而速不疾神其何遠  
至於仲春令序時和景

淑收絜璧池圓流若鏡青葱槐市  
忽翠成帷清滌元酒  
致敬於茲日合舞釋菜無絕於終古  
皇上以幾覽餘

暇遍該

羣籍乃製

金鏡述一篇永垂鑒戒極聖人之用

心宏大訓之微百妙道天文煥乎畢備  
副君膺上嗣之尊體元良之德降情儒術  
遊心經藝楚詩盛於六義浦  
易明於九師多士伏膺名儒接武四海之內靡然成俗

懷經鼓篋搢齋趨奧並鏡雲披俱登泉涌  
素絲既染白玉已彫資覆  
匱以成山導洎流而爲海大矣哉然後知

達學之爲

貴而宏道之出

人也國子祭酒楊師道等偃

屢風於聖世聞至道於先師仰彼高山顛宣盛德昔者

楚國先賢尚傳風範荊州文學猶鏘哥頌況帝京赤縣

之中天街

黃道之側聿興壯

觀用崇明祀宣文教於六

學闈

皇風於千載安可不贊述徽猷被之雕篆乃抗

表陳奏請勒貞禪爰命庸虛式揚茂實敢陳舞詠迺作

銘云

景緯

垂象川岳成形挺生

聖德寔稟英靈神凝氣秀月

角珠庭探賸索隱窮美洞冥述作爰備丘墳咸紀表正

十倫章明四始繫續義易書因魯史誌此素王邈焉高



軌三川削弱六國從衡舞

首兵利龍文鼎輕天垂伏鼈

海躍長鯨解蔽去佩書燼儒坑纂堯中葉追尊大聖乃

建衷成膺茲顯命當塗創業亦崇師敬胙土錫圭禮

容斯盛

有晉崩離淮傾柱折

禮亡學廢風頽雅缺戎夏

交馳星分地裂蘋藻莫奠山河已絕隨風不競龜玉淪

亡樽俎弗習干戈載揚露澆闕里麥秀邠鄉修文繼絕

期之會

昌大唐撫運率繇王

道赫赫元功茫茫天造奄

有神器光臨大寶比蹤連陸追風炎昊於鑠

元后膺

圖撥亂天地合德人神攸昔麟鳳爲寶光華在日繼聖

崇儒

載修輪奐義堂宏敞經肆

紆紫重藥霧宿洞戶風

清雲開春燭日隱南榮鏗耿鐘律蠲絜蠶明容範旣備  
德音無歎肅肅升堂炘炘讓席獵纓訪道橫經請益帝  
德儒風永宣金石

推誠奉義翊戴功臣永

興軍節度管內觀察處置等

使特進檢校太師兼中書令行京兆尹上柱國瑯琊  
郡開國公食邑四千五百戶食實封一千三百戶王  
彥超再建安祚刻字

右孔子廟堂碑虞世南撰并書余爲童兒時嘗得此  
碑以學書當時刻畫完好後二十餘年復得斯本則  
殘缺如此因感夫物之終弊雖金石之堅不能以自

久於是始欲集錄前世之遺文而藏之殆今蓋十有八年而得千卷可謂富哉

集古錄

右唐孔子廟堂碑虞世南撰武德時建而題云相王  
旦書額者蓋舊碑無額武后時增之爾至文宗朝馮  
審爲祭酒請琢去周字而唐史遂以此碑爲武后時  
立者誤也睿宗所書舊額云大周孔子廟堂之碑今  
世藏書家得唐人所收舊本猶有存者云

金石錄

頃見摹刻虞永興孔子廟碑甚不厭人意意亦疑爲  
工太速今觀舊刻雖姿媚而造筆之勢甚遒固知名  
下無虛士也榮咨道嘗以二十萬錢買碑卽此碑舊

刻其中缺字亦略相類唯額書大周孔子廟堂之碑  
八字爲異耳又碑末長安三年太歲癸卯金四月壬  
辰水朔八日己亥木書額相王書也又云朝議郎行  
左豹衛長史直鳳閣鍾紹京奉相王教搨碑額雍州  
萬年縣光宅鐫字又卷尾昔人題云咸通七年七月  
七日於二十二姊處得龍兄來認今福夷無大費而  
甚愛之雖無前後數十字非竇藏是書之本意  
豫章文採  
右唐孔子廟堂碑宋王彥超翻本字之缺者凡一百  
七十有九予家藏舊搨唐刻因參校以足其文嘗記  
在京師時見世南真迹謂以此文石本進呈太宗特

賜王羲之黃銀印一顆則世南之書貴重於當時者

固已如此

金雞  
琳瑯

伯機云孔子廟堂碑京兆府本無裂乃佳葉森今收

一本乃饒州錦江書院本極佳

周密雲煙  
過眼錄

永興親受筆訣于永禪師當時進呈石本唐太宗以  
右軍黃玉印賜之今謝表勒在羣玉堂帖好事者合

觀之可以知伯施書矣

蒼潤軒  
帖跋

宋黃太史詩云孔廟虞書貞觀刻千兩黃金那購得

指此本也第其碑旋經火厄搨本罕存

清河書  
畫舫

舊唐書宣宗大中五年十一月國子祭酒馮審奏文

宣王廟碑始太宗立之睿宗篆額加大周二字蓋武  
后時書也請琢去偽號從大唐字從之此大周字削  
而相王之銜獨存也其末曰永興軍節度管內觀察  
處置等使王彥超再建則元碑已亡此重刻也此碑  
與皇甫誕碑並書晉爲肯廣韻晉俗作肯然考之漢  
人如韓勅孔廟禮器碑桐柏淮源廟碑司空宗俱碑  
巴郡太守張納碑竹邑侯相張壽碑戚伯著碑金廣  
延母徐氏碑敬阮祠碑陰楊震碑陰及魏公卿上尊  
號奏北齊南陽寺固已書爲肯矣漢人碑或亦作肯  
後周華嶽頌作肯  
故李善注枚乘七發以通厲骨母之場爲晉母之誤

而壻字一傳爲壻再傳爲壻三傳爲壻四傳爲壻皆

胥之變也

詩有女同車釋文壻音細字林作壻戰國策傳且坐而胥亡乎王胥臣之反而行並

作胥書大傳不愛人者及其胥餘作胥音書五行志論耳於北音義耳息魚反張駿傳有黃龍見于揖次之嘉泉呂光載記迎大豫于揖次音義揖子魚反次音恣漢書地理志武威郡有揖次縣此皆胥字之誤漢仙人唐公房碑臂字作其書幕爲莫笑爲嘆覆贊聶音王右軍帖有女聶字

爲覆覆荆爲形歌爲哥其字或通或俗而及之爲反

則重刻者誤也

金石文字記

永興廟堂碑唐搨自不可得見矣五代時翻刻碑亦

已殘缺湯懋松壑顧先生曩自山左歸贈余一本亦

佳未曾訊其所從來按王司寇居易錄一條歷城門

人趙于京豐原官城武教諭寄其邑二碑尚極完好  
蓋世鮮知之摹搨者少故也松壑所贈當卽是司寇  
所賞本也

觀妙齋金  
石文攷畧

唐太宗以高祖武德九年八月卽皇帝位十二月卽  
有詔封孔子後重修聖廟當卽位之初便能崇儒重  
道如此可謂知所務矣新舊史皆不載蓋失之也碑  
成墨本進呈特賜世南王羲之黃銀印一顆世南表  
謝稱貞觀七年十月蓋新廟始於武德九年至貞觀  
七年乃成爾然考舊史世南當太宗爲太子時遷太  
子中舍人及卽位轉著作郎兼宏文館學士此碑但



書太子中舍人著作郎無宏文館學士蓋由史誤七年轉秘書監賜爵永興縣子而謝表仍稱太子中舍人著作郎豈其轉秘書監在十月後歟碑本無額至則天時始命相王旦爲之額相王旦者睿宗也睿宗爲高宗第八子以龍朔二年生則當貞觀七年睿宗尚未生故知書額之當承則天命也按舊史帝以聖歷元年則天封爲相王仍改名旦授太子右率衛長安中并司徒右羽林衛大將軍碑稱司徒則承命書碑額當在長安中唐刻本碑末故有長安三年太歲癸卯金四月壬辰水八日己亥木書額二十一字亦

相王書可知承命書額之當在長安三年矣又有朝  
議郎行左豹衛長史直鳳閣鍾紹京奉相王教揚勅  
碑額雍州萬年縣光宅鑄字兩款宋刻俱失之則知  
宋刻之草率多矣原額爲大周孔子廟堂之碑八字  
宣宗大中五年國子祭酒馮審奏請琢去僞號從大  
唐字今額但有孔子廟堂之碑六字無大周二字蓋  
承宣宗時所琢去者重刻也相王且款仍存者以是  
睿宗御書故也碑不知毀自何年宋初王彥超重刻  
山谷云頃見摸刻虞永興孔子廟碑甚不厭人意今  
觀舊刻雖恣媚而造筆之勢甚遒則知此本之失真

遠矣字之斷闕者金薤琳瑯載一百六十有九字蓋此碑當山谷時所見惟榮輯子雍家一本未斷闕餘張福夷蔡致君本則皆以摹本補綴則在當時全本已不可多得此本蓋據已斷本上石非刻石方斷特至今年深日久更益剝食耳山東城武亦有刻刻法微弱遠出此本下而斷闕處互有不同余以兩本參按臨此一本僅闕四字信快事也 以城武本按長安本標題首一字俱闕然知其爲孔字者以額作孔子也堂上多子廟二字相王且款千下有牛字文字之首有徵臣屬書四字神下有功聖二字翦下有商

之業雖復五字電下有以立二字鄉下一字彼此皆  
關有栖遲洙泗不五字張下有窮字者下有也字越  
行之首有夫子膺二字膺下二字彼此皆關纔下有  
勝逢二字言下有感而遂二字顯下有至仁二字仁  
下有危遜二字以下有適字懷下有寶字石下有函  
字之下有在字命下有卷舒二字歟下有於字貶下  
有故能使紫四字月下有既而二字却下有流波關  
三字區下有中道二字墜下有漢字之下有元始二  
字匪下一字彼此皆關道下有興廢二字允下有屬  
字猷下有蒸字扶下有興業二字字下有納字命下

有兆庶樂推四字九下有園席二字使下有地平天  
成四字憬下有彼字被下有犁賴厥角四字藁下有  
街字懷下有馭朽興瞻納五字賦下有斲珉二字必  
下有在膠雍道德潤六字入下有神妙二字日下有  
有詔立隨故紹聖七字德下有倫爲寢三字崇下有  
遂悠悠虛白圖真七字人下有功象二字侃下有侃  
禮容仍觀衛賜不八字疾下有而速神三字遍下有  
該群籍乃製金六字九下有師多士伏四字之下有  
爲貴而宏道之由七字街下有黃道之側聿興壯觀  
八字銘文景緯下有垂象川嶽成形挺生八字三下

有川削弱六國從衡鶉首九字盛下有有晉崩離維  
傾柱折八字會下有昌字大下有唐撫運率四字儒  
下有載字儒下有風字凡一百八十六字以有明內  
庫宋本爲正校定無譌若今關中本又不知闕食幾  
許矣聞康熙間 內府有真蹟重摹本完好無一

字闕 彥超重刻此碑頗亦草率碑中及金冊斯誤  
以及爲反垂範百王中脫於字又其草率之易見者  
按元人虞堪定陶河出孔子廟堂碑序近定陶縣  
河走決有唐虞永興書孔子廟堂碑出其守請於朝  
而樹之學官則定陶又有一碑矣不審向所謂城武

者卽此碑否又序稱貞觀間刻始成僅拓數十本賜  
近臣廟遂火而石燬則自貞觀間石已燬廢武后時  
再刻至宋王彥超則三刻矣虞堪甫里人至正二十  
六年作此序

虛舟  
題跋

今在西安府學文廟內碑斷爲三缺百餘字王阮亭  
居易錄載山東城武亦有此碑碑陰宋人鐫教興頌

篆書

雍州金  
石記

廟堂碑見諸紀載者有四一在西安一在曲阜一在  
城武一在饒州之錦江書院然皆非原本也原本燬

于貞觀間不可復得

夢虎道  
者跋

王彥超以周恭帝時加檢校太師宋初兼中書令太平興國中封邠國公此題云檢校太師兼中書令琅邪郡開國公者當時宋初所刊琅邪郡公猶是周時爵號也

關中金石記

碑文云武德九年十二月廿九日有詔立隨故紹聖侯孔嗣愬子德倫爲褒聖侯新唐書禮樂志武德九年封孔子之後爲褒聖侯事與碑符而詔文以隨故紹聖孔嗣衍子德倫爲嗣關里志引是其續封者爲嗣衍非碑所謂嗣哲蓋宜以碑爲正隨封紹聖侯自煬帝始改之文帝時猶爲鄒國公也今碑云紹聖侯者益



可相證又宋王彥超列銜推誠奉義翊戴功臣永興  
軍節度管內觀察處置等使特進檢校太師兼中書  
令行京兆尹上柱國琅邪郡開國公宋史本傳已于  
彥超管內觀察處置等使略而不書故併著于後以  
補史佚也

按堂金  
百跋

按前題相王旦結銜云兼檢校安北大都護檢校  
之制唐百官志無明文文獻通考引岳珂愧郟錄  
曰按階散勳官在前世合於一至唐則析而爲二  
階勳功臣檢校在唐則析爲四而本朝則合爲一  
如杜淹貞觀中檢校吏部尚書再加檢校侍中是

也其後隨事而賜亦無定名故唐之有功者或叙階或賜勳或加以檢校或寵以名號云云据此則檢校與階勳同爲叙功之用非官名而其緣起亦在貞觀初矣碑云武德九年十二月廿九日有詔立隋故紹聖侯孔嗣哲子德倫褒聖侯新唐書太宗紀不書其事禮樂志亦但云九年封孔子之後爲褒聖侯不及此碑之詳也碑又云國子祭酒楊師道等偃元風于聖世聞至道于先師新唐書楊恭仁傳恭仁隋觀王雄子師道字景猷恭仁弟高祖授上儀同爲備身左右尚桂陽公主除吏部侍郎

郎累轉太常卿云累轉則國子祭酒在其中然亦  
史文之畧也碑末題王彥超再建不署年月結銜  
題永興軍節度據東都事畧彥超兩鎮永興一在  
周顯德時一在宋太祖初年其復鎮永興後移鎮  
鳳翔入爲右金吾衛上將軍俱在太祖末年則此  
再建是太祖初年建隆乾德時也永興軍卽京兆  
府今之西晉天福中爲晉昌軍漢乾佑初改永興  
安府宋因之彥超武臣而能再建此碑草率之病亦宜  
諒之虛舟所譬似過當也

附攷唐宋諸碑系銜并食邑實封

唐宋諸碑標題及撰人書人篆額人官位顯者系

銜多有食邑食實封之數攷系銜之例名目數端

曰功臣

宋史職官志功臣之號賜中書樞密臣僚者有十一號每號二字下仿此宰相初加

六字餘官初加四字其次並加兩字舊有功臣者改賜賜皇子皇親文武臣僚外臣者有十九號初加四字次加兩字賜諸班直將士禁軍者初加二字再加亦如之其制始於唐開元間賜號開元功臣代宗時有實應功臣德宗時有奉天定難元從功臣之號僖宗將相多加功臣美名五代寢增其制宋初因之凡宣制而授者多賜焉文獻通考云宋初加功臣號至元豐乃罷中興後加賜者韓世忠張俊劉光世三人而已岳珂愧鄉錄曰階勳功臣檢校在唐則析於四而本朝則合於一唐代宗以射生軍清難而有實應之稱德宗以涇軍扇逆而有定難之號後隨事而賜亦無定名故唐之有功者或叙階或賜勳或加以檢校或寵以名號皆上之人有以寓一時之微權而初無階升必致之

道宋祖宗朝若功臣之名猶有官不當賜而特賜如開竇之於王明太平興國之於杜彥鈞陳信從郝正大中祥符之於王丞美天禧之於向漢通南渡以後高皇舉久廢之典以寵二三大將其他則不多見也每一遇郊官至某則加功臣若干字勳若干級進階若干等微國若干戶並舉而子之故世但以爲煩而不見其用是所謂唐折於四而本朝則合於一既合矣而不能分此所以發神宗皇帝之獨斷一曰檢校宋史志檢校官自太師太舉而盡去之也曰檢校尉太傅太保至水部員外郎凡一十九官文獻通考引建炎以來朝野雜記曰檢校官者自唐以來有之凡內職崇班武臣副率以上初除及該恩皆帶若文武臣則樞密宣徽節度使始帶焉自三公三司僕射尚書常侍至賓客祭酒凡十餘等元豐改官制武臣承宣使已下皆罷惟存檢校三公三師以待節度使之久次者政和後改三公爲三少若武臣累加至檢校少師賜拜太尉文臣累加檢校少師則拜開府儀同三司朱子語錄曰祖宗之法除三孤三公者必須建節加檢校太子少保少師之類然後除開府儀同

三司既除開府然後除三孤三公南渡以來如張  
韓劉岳諸武臣猶是如此外皆不帶今則不然既  
建節使抹過檢校徑除開府至三孤三公矣  
檢校二字其初不過點檢典校之義隋巡省風俗  
詔明加檢校便得存養此檢校之緣起也其用以  
人銜則始於唐初而兩唐書志及六典皆無專條  
據九成宮醴泉銘魏徵撰系銜檢校侍中唐書溫  
彥博傳檢校吏部侍郎遷檢校中書侍郎皆在貞  
觀時又唐徵傳在高祖時檢校黃門侍郎是檢校  
入銜始于唐初之證文獻通考神龍初有檢校官  
與試攝判知蓋列似唐之檢校不盡加之於尊官  
舊唐書與昭志稱負外判試檢校自則天中宗後  
始有之又據聖歷三年昇仙太子廟碑陰有檢校  
勒碑使開元廿四年裴光庭碑末有奉勅檢校  
勒使奉勅檢校樹碑使此皆中宗以後用檢校系  
街不加於顯職也劉禹錫高陵令碑序云我兼檢  
校水曹員外郎此正宋志所載檢校十九官之未  
一官也宋范成大思歸詩何時去檢校一棹水雲  
鄉可知檢校二字宋曰散官曰職事官開府儀同  
南渡後尚用以入銜



伯正第四品上階開國子正第五品上階開國男  
從第五品上階文獻通考載官品晉後魏郡公周  
國公皆正一品北齊唐宋縣公從二品此下通考脫一葉  
從一品北齊唐宋縣公從二品此下通考脫一葉  
魏晉劉宋陳北齊諸縣侯正三品北魏北齊散伯  
唐宋開國侯俱從三品陳唐宋開國縣伯北魏北  
齊隋開國縣子俱正四品北魏北齊周隋開國子從四  
品陳唐宋開國縣子北魏北齊周隋開國縣男俱  
正五品北魏北齊散男北魏北齊周隋開國縣男俱  
五品陳開國縣男正六品唐六典吏部司封郎中  
掌邦之封爵自周列爵惟五分土惟三始有封國  
大小之制三國魏氏五等皆以鄉亭隋氏始立王  
公侯以下制曰魚袋舊唐書輿服志貞觀四年制  
度皇朝因之曰魚袋三品已上服紫五品已下服  
緋六品七品服綠八品九品服青上元元年八月  
制一品已下帶手巾算袋佩刀子礪石文武三品  
已上服紫四品服深緋五品服淺緋六品服深綠  
七品服淺綠八品服深青九品服淺青此上皆帶  
佩服色之制也其魚袋則始自武德元年九月改  
銀莢符爲銀魚符永徽二年五月開府儀同三司



及京官文武職事四品五品並給隨身魚咸亨二年五月五品已上賜新魚袋並飾以銀三品已上各賜金裝刀子礪石一具垂拱二年正月諸州都督刺史並准京官帶魚袋天授元年九月改內外所佩魚並作龜久視元年十月職事三品已上龜袋宜用金飾四品用銀飾五品用銅飾上守下行皆從官給神龍元年二月內外官五品已上依舊佩魚袋六月郡王嗣王特許佩金魚袋景龍三年八月令特進佩魚散職佩魚自此始也自武德已來皆正官帶關官始佩魚袋員外判試檢校自則天中宗後始有之皆不佩魚袋雖正員官得佩亦去任及致仕卽解去魚袋至開元九年張嘉貞爲中書令奏諸致仕許終身佩魚以爲榮寵以理去任亦聽佩魚袋以後恩旨賜賞緋紫例兼魚袋之章服因之佩魚袋服朱紫者衆矣新唐書車服志初高祖入長安羅隋竹使符班銀蕙符其後改爲銅魚符以起軍旅易守長京都雷守折衝府提兵鎮守之所及左右金吾宮苑總監皆給之畿內則左三右一畿外則左五右一左者進內右者在外用始第一周而復始官毀門城門給交魚符巡

魚符左廂右廂給開門符閉門符亦左符進內右符監門掌之皇太子監國給雙龍符左右皆十兩京北都衛守給麟符左二十右十九隨身符者以明貴賤應召命左二右一左者進內右者隨身皇太子以玉契召勘合乃赴親王以金庶官以銅皆題其位姓名官有貳者加左右皆盛以魚袋三品已上飾以金五品已上飾以銀刻姓名者去官納之刻者傳佩相付銅魚符者給封符印發擊封符及封魚符用之有銅魚而無傳符者給封函還符封函用之高宗給五品已上隨身魚銀袋以防召命之詐出內必合之三品已上金飾袋中宗初員外試檢校官猶不佩魚景雲中詔衣紫者魚袋以金飾之衣緋者以銀飾之開元初騎馬都尉從五品者假紫金魚袋都督刺史品卑者假緋魚袋五品已上檢校試判官皆佩魚又掘劉遵禮墓誌開成六年賜服銀朱以卽李輔光未孝誠等碑所謂朱綬銀章之賜也其制史志不詳銀朱二字連用亦不見他碑宋史職官志賜紫金魚袋緋魚袋凡升朝官該恩着綠二十周年賜緋魚袋着緋及二十周年賜紫金魚袋特旨者係臨時指揮宋

史新編宋因唐制以金銀飾爲魚形公服則繫於帶而垂於後以別貴賤并復如唐之符契也國初其制多闕雍熙元年郊畢內出魚袋賜近臣由是內外升朝文武官皆佩魚凡服紫者皆以金服耕者飾以銀賜紫者并給之賜緋亦或有給者京朝職州縣官賜緋紫者亦佩魚親王武官內職將校皆不佩真宗大中祥符六年詔伎術人未升朝賜緋紫者不得佩魚仁宗初遵伎術之禁後頗紊焉神宗著令翰林學士加佩魚蓋自蒲宗孟始也按今所錄宋金兩朝碑賜食邑者皆有紫金魚袋系曰食邑食寶封以鄉亭多假空名不食本位避銜云後魏封爵十一等于食半公三分食一侯伯典分食一男伯五分食一牧東魏時中岳嵩陽寺碑文有司空公裴衍檢北史裴叔業傳附載衍孝昌初破荊州功封安陽縣開國子食邑三百戶詩平相州進封臨海縣開國公增邑一千二百戶又元齊時西門豹祠堂碑有清河王岳檢北齊書本傳仕魏太昌初封清河郡公食邑二千戶此食邑之見於後魏者撮舉一二以見一斑隋大業七年

姚恭公墓誌銘載保定六年定相州功授大都督封安養縣開國子邑四百戶開皇元年進爵爲公增邑爲一千戶大業二年進爵蔡陽郡開國公食邑一千五百戶此食邑之見於隋者然紀載不甚詳備欲得其詳當自唐始唐六典吏部司封郎中掌邦之封爵有九等一曰王正一品食邑一萬戶二曰郡王從一品食邑五千戶三曰國公從一品食邑三千戶四曰郡公正二品食邑二千戶五曰縣公從二品食邑一千五百戶六曰縣侯從三品食邑一千戶七曰縣伯正四品食邑七百戶八曰縣子正五品食邑五百戶九曰縣男從五品食邑三百戶然戶邑率多虛名其言食實封者乃得真戶舊制戶皆三丁已上一分人關開元中定制以三丁爲限租賦全入封家凡有功臣賜實封者皆以課戶充戶數州縣與國官邑官執懷其收其租調各準配租調遠近州縣官司收其脚直然後付國邑官司其丁亦準此入國邑者收其庸凡食封皆傳子孫食封人身沒以後所封物隨其男數爲分承嫡者加與一分若子亡者卽男承父分寡妻無男承夫分若非承嫡房至元孫卽不在

分限其封物總入承嫡房一依上法爲分其非承  
嫡房每至元孫輩前停其應得分房無男有女在  
室者準當房分得數與半女雖多更不加雖有男  
其姑姊妹在室者亦三分減男之二若公主食實  
封則公土幾乃停通典職官志貞觀十一年庶邦  
卿士功業特盛者封郡下自武德至天寶實封者  
百餘家自至德元年至大歷三年封異姓爲王者  
凡百一十二人其次封國公其次有郡縣開國公  
侯伯子男之號凡食實封者二百六十五家凡食  
四萬四千八百六十戶並無官土其加實封者則  
食其封分食諸郡以租調給開元二十年五月勅  
諸食邑實封不須一分入官其物仍令封隨庸調  
送入京舊唐書職官志凡名山大川及畿內諸縣  
皆不以封至郡公有餘爵聽迴授子孫其國公皆  
特封宋史職官志食邑十四等一萬戶八千戶七  
千戶六千戶五千戶四千戶三千戶二千戶一千  
戶七百戶五百戶四百戶三百戶二百戶相親  
王樞密使經恩加一千戶兩府使相節度使七百  
戶宣徽三司使觀文殿大學士以下至直學士文  
臣侍郎武臣觀察使宗室正任以上皇子上將軍

駙馬都尉加五百戶宗室大將軍以上加四百戶  
知制誥待制并文臣少卿監武臣諸司副使宗室  
副率以上并承制崇班軍員等初該恩加三百戶  
再該恩二百戶三千戶以上雖有加例緣無定法  
親王重臣特加有至萬戶者食實封七等一千戶  
八百戶五百戶四百戶三百戶二百戶一百戶凡  
宰臣等經恩加四百戶兩府使相至觀察使以上  
加三百戶觀文殿學士等加二百戶武臣崇班等  
加一百戶五百戶已上雖有加例緣無定法親王  
重臣有特加至數千戶者唐制封爵食邑有差又  
有食實封者戶給雜帛每賜爵遞加一級唐末及  
五代始有加邑特戶而罷去實封之給又去縣公  
之名封侯以郡宋初沿其制大臣少監少卿以上  
武臣副率以上內職崇班以上有封爵丞郎學士  
刺史大將軍諸司使以上有實封但以增戶數爲  
差不係爵級邑過其節則并進爵焉止於郡公每  
加食邑自千戶至二百戶實封自六百戶至百戶  
皇屬特封郡公縣公或贈侯者無開國字侯亦在  
開國郡公之上唐制食實封者皆以課戶充戶  
數舊制戶皆三丁已上一分入國開元中定制以

三丁爲限租賦全入封家租賦者租庸調也皆丁  
所輸而戶以三丁爲限是國邑之中每戶出三丁  
之租庸調入于封國邑之家也唐六典云賦役之  
制有四一曰租二曰調三曰役四曰雜徭課戶每  
丁租粟二石其調隨鄉土所產綾絹絁各二丈布  
加五分之一輪綾絹絁綿三兩輪布者麻二斤皆  
書印焉若當戶不成四端屯綾者皆隨近合成其  
調麻每年支科有餘折一斤給粟一斗凡丁歲役  
三句有閏之年加二日無事則收其庸每日三尺  
布加五分之一有事而加役者旬有五日常調  
三句則租庸俱免適正役並不得過五日免其調  
調之物仲秋而斂之秋季發於州租則雜土收穫  
早晚量事而斂之仲冬起輸孟春納畢通典云唐  
制成丁之歲武德七年定令男女始生爲黃四歲  
爲小十六歲爲中二十一歲爲丁六十歲爲老黃三載  
十二月制自今以後百姓宜以十八以上爲中男  
二十三以上成丁租庸調之名始于周制夫家之  
稅夫稅者謂田畝之稅家稅者謂出土徒車蓋給  
徃役也古者人君歲役不過三日是故歷代至今  
雖加至二十日數倍多古制猶以庸爲名既免其

役日役庸絹三尺其當六丈更調二丈則每丁壯  
當兩疋矣夫調者猶古井田調發兵車名耳開元  
八年二月制曰頃者以庸調無憑好惡須准故遣  
作樣以頒諸州諸州送物作巧生端苟欲副於斤  
兩遂則加其丈尺有至五丈爲疋理甚不然開尺  
八寸長四丈同丈共執其事久行宜令所司簡閱  
有踰於比年常例尺丈過多者奏聞天寶元年正  
月敕支如開百姓之內有戶高丁多苟爲規避父  
母見在乃別籍異居宜令州縣勘會一家之中有  
十丁以上者放兩丁征行賦役五丁以上者放一  
丁卽令同籍共居以敦風教大歷十四年見佩青  
苗地額均稅夏稅六月內納畢秋稅十一月納畢  
其舊租庸及諸色名目一切並停按據此知青  
苗二字唐大歷時已有不始於宋神宗時也舊租  
庸及諸色名目旣已並停不知此時之食實封者  
但收本封戶納之夏秋二稅抑亦停其實食之數  
耶五代以後迄於宋遼金皆有封戶系街而實  
食之數史無明文其與唐制同否無從攷矣然

據今所錄唐宋諸碑系銜及文內所載食邑實封



頗有與史志諸書定制多不合者爰悉爲節取詳

錄於後以備攷云 孔子廟堂碑 武德九年原碑 宋初王彥超再

建彥超爲瑯琊郡開國公食邑四 房彥謙碑 貞觀 千五百戶食實封一千三百戶

追封臨淄公 皇甫誕碑 誕卒于隋仁壽四年贈 食邑一千戶 宏美郡公食邑五千戶 張

琮碑 武德末封南安縣開 段志元碑 文云高祖時 國侯食邑七百戶 封口濟縣侯

食邑二千戶從上討薛舉進封武安郡公食邑并 前二千戶太宗爲太子時拜左驍衛將軍賜別食

封四百戶遷左驍衛大將軍進封口口公食 邑口千戶加實食封口口戶通前口百戶 孔穎

達碑 貞觀二十二年封曲阜 馬周碑 永徽二年詔 縣開國男食邑五百戶 贈高唐縣開

國公食邑 高士廉碑 碑側題六代孫正議大夫行 給事中上柱國渤海縣開國

一千戶 男食邑 褚亮碑 文殘 嗣舊唐書傳貞觀九年長員 三百戶 外散騎常侍封賜翟縣男十六年

進爵爲侯食

李靖碑

太宗徵拜刑部尚書別食邑

千戶舊唐書傳云徵拜刑

尉遲恭碑

吳國公食邑

三千戶實封

平百濟國碑

平者蘇定方新唐書傳

嶺加食邢州

于志寧碑

乾封元年封黎陽縣開國

鉅鹿三百戶

于志寧碑

子邑三百戶進爵爲伯邑

五百戶進爵爲侯邑七百

合狐熙碑

龔爵彭陽公

戶後以功增

合狐德棻碑

封彭陽縣開國男食邑

百戶李孝同碑

高祖踐祚授柱

國武鄉縣開國公邑

千戶舊唐書李神通傳貞觀元

年李勣碑

文云拜

拜開府儀同三司賜實封五百

戶李勣碑

太子太

以南征北伐功加實封九百

戶今加二百

戶也契

苾明碑

開國公食邑一千戶稍長歷官以功改授

左驍衛大將軍襲爵王仁皎碑文多泐中有封某涼國公食邑三千戶

千賁賦三李思訓碑官太府員外少卿擢宗正加百之語

北岳府君碑碑兩側題記仇文義南安縣開國公食邑三百戶辛廣祐記亦同題名系

衙用食郎國長公主碑進封郎國公主代國長公邑始此

主碑封代國公主食北岳神廟碑碑陰載段倍五儀同三司食邑八百戶

祖詔魏尚書令增邑二千戶龐履温碑晉祖口國四百唐儉碑封晉昌郡公食邑二千戶後云口郭

氏家廟碑碑陰載子儀加司徒封代國公食實封一千戶

加實封李光弼碑封鄆國公食實封八百戶進封臨淮郡王加實封三百戶通前

後凡二千戶丁思禮監心經碑記碑側題夏侯口

賜鐵券始此

五百使院石幢記元和六年李愿襲其國梁守謙

功德銘撰書人楊承和宏農郡開國侯食邑一千五百戶李

晟碑封西平郡王加食開成石經碑後列銜名鄭

三公食邑馮宿碑開成二年標題馮公長樂縣開國

三千戶始此撰文王起晉陽縣開國子食邑五百戶符

戶書篆柳公權河東縣開國男食邑三百戶

璘碑封義陽郡王食實封二百戶不言食邑撰人

柳公權同前璘子澈封瑯琊郡開國侯食邑一千戶

國侯食邑一千戶襄實封一百戶李光顏碑撰人

彭原郡開國公周公祠靈泉記崔瑛狀奏封安平

食邑一千戶

千高元裕碑渤海縣開國男定慧禪師碑大中九年額

柳公權封河東郡開國公食邑二千戶劉道禮墓

施石王元宥官內謁監食邑三千戶

誌彭城縣開國子魏公先廟碑

縣開國子食邑五百戶

百戶書人柳吳承德墓誌

漢陽郡開國侯食邑一千戶食實封壹百戶

賜錢鏐鐵券

鏐封彭城郡王食邑五百戶

王審知德政

碑

審知封瑯琊郡王食邑五百戶重修北岳廟碑

天祐十年

題興元節度使王處直封北平

重修法門寺塔廟

記

天祐十九年李繼潛封隴西縣開國伯食邑七百戶羅周敬墓誌銘

晉天祐二年

年周敬封長沙郡開國公食邑一千八百戶

封一百戶文云莊宗封開國侯加食邑三百戶

宗封開國公

溪州銅柱記

天福五年五溪團練使彭口封長沙縣開國伯

食邑九百戶

馬希廣封扶風縣開國侯食邑二百戶

千戶彭士口封

西縣開國男食邑二百戶

匡翰碑

天福八年文云命之爲移文宣王廟記

秦

中馮道封秦國公食邑八千郭進屏盜碑太原縣開國男

食邑三百景範碑晉陽縣開國伯重修開元寺行廊

功德碑宋建隆四年王彥超瑯琊郡開國公食邑四十五百戶食實封一千三百戶夢

英篆書千字文乾德三年建碑者吳廷祚瑛陽郡開國公食邑二千七百戶食實封

八百福州重修忠懿王廟碑開寶九年忠懿王是閩王審知封閩王食

邑一萬五千戶食實封一千戶向是五代所加據碑云天祐元年四月封瑯琊郡王食實封一百戶

唐于兢撰德政碑云轉檢校太保瑯琊郡王食邑四千戶食實封一百戶與碑題不同鳳翔

府萬壽禪院記撰人梁鼎安定縣開國伯食邑七百戶食實封三百戶封祀

壇頌碑大中祥符二年撰文王旦太原郡開國公食邑四千七百戶食實封貳千壹百戶

社首壇頌碑撰文王欽若太原郡開國公食邑三千五百戶食實封一千四百戶封

禪朝覲壇頌碑

撰文陳堯叟穎川郡開國公食邑二千三百戶食實封八百戶

祝殿碑

撰文楊億南陽郡開國侯食邑一千一百戶無實封石保吉碑大中祥符

四年保吉駙馬都尉封西平郡開國公食邑一萬

三千九百戶實封勳撰文李宗諤隴西郡開國侯

食邑一千三百戶食實封二百戶文石保興碑西

云加檢校太師進邑千戶實食四百戶撰文

邵開國公食邑三千四百戶食實封貳伯戶撰文

楊億南陽郡開國侯食邑一千一百戶無實封

中嶽中天崇聖帝碑

大中祥符七年王曾撰文太原郡開國子食邑五百戶食

實封壹北嶽安天元聖帝碑

撰文陳彭年招信縣開國子食邑六百戶

知定州劉承宗彭城郡開國侯

食邑一千五百戶俱無實封杭州放生池碑

五年撰文王隨太原縣勸慎刑文

撰者晁迥南安郡開國公食邑

四千三百戶食重修昇仙太子大殿記

明道二年

實封陸伯戶

建碑者趙

世長天水縣開國

男食邑三百戶

會聖宮碑

撰文石中立樂陵郡開國侯食邑一千二

百戶食實

永興軍牒

碑末列

街花雍高平郡開國

封壹伯戶

元儼食邑二

千八百戶食實封

重修北嶽廟記祐

萬二千三百戶

食實封肆伯戶

食邑二千戶食實封肆伯戶

范文正公神道碑

文正封汝南郡開國公食邑

二千三百戶食實封陸伯戶

韓國華神道碑

嘉祐八年

韓公南陽縣開國男食邑三百戶

富弼撰文河南

郡開國公食邑六千八百戶

食實封二千四百戶

書者王珪太原郡開國侯食

邑一千八百戶食實封二百戶

渾王廟牒

元豐二年

平原縣開國伯

王公儀碑銘

清源縣開國男食邑

三百戶文稱三百室

韓宗道墓誌銘

南陽郡開國侯食

邑一千三百戶

大觀聖作碑

題額魏國公食邑一萬一千

三百戶食實封叁阡捌伯戶

折克行神道碑

折公



平郡開國公食邑勅撰人毛友西安縣開國子食  
邑五百戶書者宇文虛中成都郡開國侯食邑一  
千一百戶食宣和重修東嶽廟碑撰文字文粹中  
賁封壹伯戶  
食邑一千五百戶食實封壹伯戶書南陽郡開國侯  
篆張崇陳雷縣開國男食邑三百戶楊從義墓誌  
楊公封安康郡開國侯食邑一千七百戶韓斯王碑咸  
百戶食實封一百戶其子封邑同  
郡王食邑一萬八千三百戶食實封柒阡貳伯戶  
撰文趙雄口口縣開國子食邑柒百戶書者周必  
大封爵勅食涿州雲居寺四大部經記遠清寧四  
邑柒百戶  
惟平蓋陵縣開國公食邑三千行滿寺幢追題唐  
二百戶食實封叁伯貳拾戶  
經沙門不空食邑三乾州思政堂記金大定十一  
千戶食實封三百戶  
文榮陽郡開國伯食邑七百戶重修中嶽廟碑大  
上石李仲仁封郡伯食邑同  
二十二年撰文黃久約江淳化縣重修岱嶽廟記  
夏縣開國子食邑五百戶

白碑立石南陽縣開國男食邑三百戶

雲寂院鐘欵

大定二十九年末題楊定路豐

義開國男食邑三百戶

靈巖寺記

克廣英撰書篆馮翊郡開國侯食邑一千戶食實封

壹伯 濟州李演碑

貞祐四年書碑趙秉文天水郡開國伯食邑七百戶

重募

唐太宗慈德寺記

正大四年跋者李文本隴西郡開國子食邑五百戶

濟濱

靈應記

至大五年末題蒲察黑斯彭城郡開國侯食邑一千戶食實封一百戶

以上

皆唐宋諸碑系銜食邑實封之數其總附於孔子

廟堂碑後者蓋王彥超雖宋初人而其重募之碑

係武德九年撰文碑列於是年系銜因卽以附之

附錄諸碑所載事物緣起

近世流俗所傳一名一物一言一事追溯其始皆

當有其緣起今祇就諸碑所載隨筆錄出不復類  
次因與系銜連類而及併附于此聊以供好古者  
爲談資之助云 唐高宗製碑稱人臣爲公 李勣

文中稱勣皆曰公

卒日書時

古人撰文書人生

有書時者淨藏禪師身塔頌云天寶五載歲  
次丙戌十月廿六日午時此卒日書時之始 新

造別體字

開元八年劉升書華嶽精享昭應碑多  
別體字攷造作異文之始三國志注引

會稽典錄吳孫亮時有山陰朱育依體像類造作  
異字干文以上又魏書太武帝始光二年三月初

造新字干餘頒之遠近以爲楷式故李仲爽修孔  
廟碑魏孝文弔比干文之類皆雜用篆籀隸楷以

及變體別構之字入唐以後此風久變獨開元  
時劉升尙嗜其體而書此碑益亦好奇之過也

生壙

開元十三年高延福墓誌文云謀龜筮相川  
原經光域番封隧自爲安神之所此蓋敘延

福自養生

招魂合葬

此四字見張燕公集為詩

道碑云恩詔追贈濟州刺史招魂而合葬

夫為

妻撰文子為母書碑

開元廿二年代國長公主碑

青按子書母碑與于志寧

孝也

碑同凡書碑

王仁求子書父碑同例

家生子

碑同上文有云司農小

大王父

裴光庭碑稱曾

舍弟

弟曰舍弟

敬寫

開元廿五年進法師

尼稱

和上比邱尼

大唐濟度寺故大德比邱尼惠源和上神空誌銘

又据翟顛通俗編引廣異記大歷時某寺尼令婢

買餅入問汝

曾門碑同上文稱惠源

碑文有

和尙好否

脫字旁注橋亭記文中人獲壹錢脫落人字旁

專房

范氏夫人墓誌文云以色事某寵實專房

馳贈

天寶七載章仇元素碑載詔書

既贈其父又贈其祖又贈其祖母及母最後又贈其伯父伯母皆以章仇兼瓊推恩此即馳贈之典

所緣

成公

雷雷

高乾式造象碑題名一家眷屬有妻名成公男名雷雷

稱祖祖父爲大人

劉元尚墓誌年月日窆某處大人舊塋合耐禮也

摺

葬李陽水摺先塋

記與三墳碑並傳摺塋者因舊塋不吉而摺塋也碑中間有形家言摺葬事始

此

三教

大歷六年三教道場文叙三教先佛次道次宜聖三教之稱始此

碑

版

大歷八年丁思禮監心經碑記尅爲碑版碑版之稱始此

以書丹爲下丹

文宣

王廟新門記題云裴平下丹

後學

大歷九年

額又類刻畫有二龍味始見廿

道化

李元端先生碑先生後學九年

朝陽巖銘題云零邑

高門

會門

門子

段行榮碑

道化碑見此碑

高門

會門

門子

解高祖曰

高門曾祖曰曾門惟稱長  
子曰門子則本於左傳也  
夫人稱君 內弟

姨弟

殷府君夫人不稱氏而稱君始此又姓名內有

稱內弟者有

公館

碑同上文云卒

十字街

碑同

上文云殷夫人居十字街西北壁第一宅又攷北  
史李庶傳云劉家莊七帝坊十字街東南則十字  
街又始于北齊 稅 濟瀆廟北海壇祭器碑以假  
時矣附記于此 貨爲稅今人出錢稅器物稅

此字坊

燈盞

琰子

衣樛

俗架字

床竹歷

此帶

碑同上諸器物並見碑所列祭器中帶本音帶  
似卽今篋簞之簞字又帚俗作帚疊子俗作碟

子並見

毋得擅立德政碑

唐自武后聖歷二年  
制州縣長吏非奉有

勅旨毋得擅立碑凡以政績將立碑者具所紀之  
文上尙書考功有司而攷其詞貞元十四年鄭楚

相德政碑

表姪

題諱

並見貞元十五年徐浩  
碑後題表姪前河南府

赤軍張平叔題諱浩碑為次子峴所書因令表姪

題諱此即今人自述先人行狀使他人填諱之始

又表姪之稱 認族貞元十七年晉太原王公碑

亦始此碑 認族云左丞相張公說越認范陽

左丞緒越認瑯琊越認二字許玩文義殆是越次

而認他族乎則認族之說始於此矣存以備攷

雙棺同穴 永貞元年張說夫人樊氏墓誌銘云

同穴葬某原禮也可知當時雙 阿小文云嗣子

棺同穴合葬殆是稀有之事 阿小文云嗣子

某次某次某次某次阿小蓋阿小是末一子最幼

但有小名即入誌不更命名也嗣子是長子之母

稱 先父 李光進碑稱其父曰先父又曰先君母

可加先字又旬有八日有字 夫人卒稱捐館 吳

下多書者字旁用點抹去 夫人卒稱捐館 達

墓誌云夫人萬氏 庄地四至 重修大像寺記所

捐館于前里第 庄地四至 載庄地果園四至

近他人者著他人姓名近本寺地則曰自至又

寺中僧職有典座又有直歲即今稱直年也

行年

處士包公夫人墓誌云夫人行年六十有六又處士亦得稱公

令弟

周文遂墓

誌云令弟二人某某皆文遂弟

不忤

勅內住宅使牒文云不忤同學忤即干字新唐書萬

壽公主傳無忤時事正與此同後人作干又碑稱同從師出家者為同學俗家為俗弟子

碑

文旁注音切

杜順和尚行記碑書撫字愈流中而復見見字旁注胡甸反又孔紆墓誌

銘出將旁

把筆

韓昶自為墓誌文云至六七歲未解把筆書字把筆猶言握筆

今小兒初就塾蒙師把筆二字昉此

自為墓誌

碑同上題雖云自為墓誌文中卒葬

月日皆具殆預為文于前而卒後孤子書石時增叙也

自稱令弟

霍夫人墓誌稱

其父曰皇父稱其弟曰吾令弟

庚向

湯華墓誌云葬某里庚向之原葬用某向是堪輿家

羅經山

題梁

福田寺三門記云僧之佳號及一境檀那師咸列姓氏于虹梁之上

此即後世題梁之所昉

自稱愚

後魏昌黎王新廟碑文自稱曰愚又孔紆墓誌亦



自稱

書月建不書朔

碑同上文云十一月壬子九日甲辰壬子無朔字九

日甲辰則壬子非朔丁亥歲十一月是建壬子也

令祠

劉遵禮墓誌敘祠事實連

及令嗣此稱道禮之父也

神廟物色堂三間五架

堂屋稱閣架坊此

獨間門屋蓋頂木帳一所

似卽今機板俗謂之仰塵卽後漢書雷義

傳所謂承塵也

葦一顏

字書無葦字今作葦一弦或三弦

侍從二人

捏塑 壁畫武安君并夫人侍從兩面音樂引隊

軍將鞍馬 南面畫土番蠻奴各一人 堂門外

捏塑軍將二人 畫捉生官健戰架弓箭器械

並見武安君白公廟記所載物色今神廟規制頗有同者似皆坊于是時 安葬

誌銘以年月日安葬某縣之原安葬二字坊此 賣宅券 晉天福四年歲末

戴置宅券云某年月日買得某處某姓名宅壹所  
准作價錢若干後載北至某處東至某處南至某  
巷西至某處賣宅人某官某姓名若干同賣宅  
人弟某姓名同賣宅人母某氏年若干保人某官  
姓名保人某官姓名庄宅牙人某姓  
名此可見五代時賣宅契券之式  
該部請旨

欽此欽遵  
宋建隆二年慶唐宮延生觀勅有云  
節准該部請旨以違御筆欽此欽遵

聖旨着禮部重刊榜文欽此欽遵等語  
初人語疑後人偽託若非偽託則該部欽遵等語  
宋初已五百羅漢寺行廊功德碑云增建四廊

有之矣  
五百羅漢寺行廊功德碑云增建四廊  
壁畫高僧四百五十尊  
法眷重修清涼建福禪

似卽五百羅漢之緣起  
法眷重修清涼建福禪  
院記末題同學法眷僧名  
經首佛像等經碑經

法眷卽今所謂師弟也  
經首佛像等經碑經  
首刻李奉珪翟守素二人畫佛像又常清淨等經

碑亦有菩薩畫像今大藏每經卷首必有佛像  
稱夢英詩碑馬去非  
與于清交詩匠徒弟  
稱夢英詩碑馬去非

此與于清交詩匠徒弟  
稱夢英詩碑馬去非

稱英公爲詩匠陳搏

大宋國

保寧寺鐘款末題  
大宋國其後大元

詩堪嗟繼踵無徒弟

頭子錢

景德三年勅脩文宣王  
廟牒有云摧破處量破

國皆助于此

頭子錢

廟牒有云摧破處量破

倉庫頭子錢修葺按文獻通考開寶六年詔諸倉

場受納所收頭子錢一半公用止齋陳氏曰是歲

令川峽人戶兩稅以上輸納錢帛每貫收七文每

正收十文絲綿一兩茶一斤稗草一束各一文頭

子錢數畧見于此馬端臨曰後唐天成二年戶部

奏蒞子一布袋令納錢入文三倉司契食補襖

長興元年見錢每貫七文稗草每束一文

盤纏蓋頭子錢乃抽取子民以充公用也

足石保吉碑文稱其卒不曰薨而曰啓手足卒後

與公主合葬不云禮也而云從周制也皆舛見

設僧浴

澹山巖題名長沙慕容選題記云瞻禮

皆擅越功德也

書丹

畫錦堂碑題蔡襄書丹書

設僧浴

書丹

畫錦堂碑題蔡襄書丹書

跋謂刻碑須書丹乃神若係百衲不知若何入石

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

如用朱填則益失真云云可知明時上石不知用

雙鉤之

鳴鐘追薦

豐樂亭記文叙宋太祖平滁

甫暉傳暉與宋太祖戰後數日創其暉不肯治而

死後滌人感暉意一日輒五時鳴鐘以資薦今人

家有亡者就寺早髮有巨釘王公儀碑銘叙公

晚鳴鐘追薦此髮有巨釘王公儀碑銘叙公

死而不明視其髮得巨釘人服其神臣字旁注

明今傳奇有傳會作包孝肅公案者

碑同書臣字俱小守制百日將行聞父憂有

字旁注册見于此軍竹筒引水云春日乏水乃

旨給告百日後赴軍竹筒引水云春日乏水乃

此即守制百日之始大竹二百二十有四引水日

引天非泉凡四里續大竹二百二十有四引水日

二千餘缶此即駱賓王靈隱寺詩所謂劖竹取泉

遙也然引水之知府崇寧四年五臺山倡和詩

遠無過於此知府前有翼上允中啓云拜呈

知府屯川知府是外官屯田是京職宋制諸府州

縣皆以京朝幕官攝之故有某官知某府某州某

州知縣者或不帶京朝幕官等銜直云某府知府知縣而文人

有意好古或反稱知某府事知  
州事縣事者蓋失國朝之制矣  
析煙元娶子

嚴墓誌文云季孟有析煙之議  
又云元娶馬氏繼娶朱氏此即  
後世元配所助

穀旦四十二章經末題武翊紹  
跋不繫日而用旦字此即近世  
穀旦之助

神誕節演劇以乾道元年深水  
歌鼓吹旗纛節斧倦釋威儀倡  
為壽近時神廟慶誕之儀蓋助  
用欽惟是漢中新修堰記云欽  
惟我公

行實幕客稱門下士揚從義墓誌  
昆季迹其行事編為陞除錄此  
行狀之所昉朱諱必是慕客而  
門下士之稱不必專學長句容  
屬之貢舉門生矣

藏經標千字文為號遼天慶八  
長學藏經標千字文為號遼天  
慶八年涿州雲居

寺石經塔記後列刻經

生作年譜

臣下泛

生作年譜

目錄每十卷爲一帙皆標干僧納牛牛金正

字文爲號與今大藏同式僧納牛牛金正

年京兆府重修府學記有二進納落髮又云僧納

四十六納印納字不云僧臘而云僧納謂共着納

衣四十六年也末云姪男石匠塿匠大定十九

呂牛牛建牛牛是其小名淳化縣重修岱嶽廟記碑

太師公蔡記後列內書寶藏於是典焉與是興

石匠塿匠姓名明昌二年三官官存禹公

之省筆今粧塑三官據碑載助錄者曰塑三官

俗書作具人曰粧三官人當風調雨順國泰民安承安四

時裝塑分二事也禪寺鐘欵有此八字近代寺觀題名稱謂之陋

梁柱鐘鼎率題此八字昉于此姚大行者因學

神同上題名有魚吳驢馬小官人錢字省筆今俗

究張教書又書不氏者二人不即錢字省筆今俗

書不字書雲日驪山詩刻末題承安屠維協洽

昉此撞鐘超昇秦和六年秦寧宮鐘欵云羣迷闍

也至音而聞覺滯鬼仗餘韻以超昇

撞鐘超昇秦和六年秦寧宮鐘欵云羣迷闍

也至音而聞覺滯鬼仗餘韻以超昇

也至音而聞覺滯鬼仗餘韻以超昇

此與滁人鳴鐘追萬皇甫暉  
事相同蓋金時尚沿此風  
觀後載本觀置買地上文契契中  
立契出賣地人即今之賣主也  
之賣主親族也一日引領人即  
寫契人即今之代書也體例大  
所載置宅券相同而此更真祐  
與今賣地文契式尤多合  
府合同平涼府合同今人與  
人交易券約寫合同防此  
二萬五千星重修濟濟廟記撰文人署其號曰種  
他碑文又云賜銀二萬五千星不  
却以兩為星押以銖為星期見也  
云黃億狀公行事之實今  
人作行實二字殆本于此  
以上皆諸碑所載其有

出乎諸碑之前者當更俟博攷云